

Maththa 1



Nokwanok ik'rakkuruk aKapik othiat u'rupa wothothilettat wung ioccot k'ran itti oCepereil ciki noka'ran koNaccir ikaik noththok poCelil, nokkul ioi're iakanna'rutta ngngin aththik woccot k'ran itti oMeriom iokat wokkaccakinet pul ipoccot k'ran itti oIuccip thiki thoThauth.



Anaruk u'rupa wothothilettat woKapik wi'rekathok itti, "Meriom, kirrnni ipo n're, oung pul ipa Kapik kongothe. Ngkwappet ana ngkwakwono ukul iocura ana ngkwaccie k'ran itti oIeccuo. Kwaka priik ana kwakkarako itti ukul wokkwi ipaik cittothi'rot. Ili Kapik wethok prrok poththan oThauth, ana kwathakka ili wothiki thoIakup thupuththuput ana ngili ngung ngakannomttat thupuththuput."



AMeriom ipittat u'rupa wothothilettat woKapik itti, "Elli lathakka taththa akka mparthuk poi're ana mpomma pul ipocura?" Au'rupa wothothilettat woKapik othiat tit itti, "Kanang ikupupure kanthan naung ana pu'ran poKapik korothi'rot paka naung. Ilen akka ukul iakwonta nti iaung wakkarako

itti ukul woKapik."



3

Ca'ri cen oMeriom purokathe akwi'rikittakat oku'rot noka'ran noththok poIouthia.

Akwoingkat tuan thoCekkerian akwomiccat Alicepeth. Anakka Alicepeth poccikothe poi're poMeriom aukul ikkat cik aurttuko nti icarak aKanang ikupupure o'rat nAlicepeth.

Akwi'rekat lon mpo're cittan itti, "Oung akkethiëttat nti iul iari appik ana

ukul iathokwono wethiëttat."



4


Lon elli ileret kathar kothokwonta thoIeccuo oMiccie.

Onnan pung oMeriom pokat pokkaccakinet oIuccip anaruk akka okin thaththarthuk ikkoik tothun kwincakathe itti kwoppethe mpu'ran poKanang ikupupure. Ana oIuccip olle pung pappokat pul poporot toki'it koKapik ana kw'rakathe itti kwakinnitto lon lopari oMeriom, akka ul occirok ngngin ana kwi'rekathe itti kwathiök nthu'ran.



5

Anaruk akka kwokat akweret noucce itti kwathiök, au'rupa wothothilettat woIli akkakanthok inthe athintiekathok ai'rekathok itti, "Iuccip ukul woThauth, kirnni ipo n're itti ngkwaneke oMeriom akwothakka pari pang, akka kwoppethe mpu'ran poKanang ikupupure. Ana kwakwono ukul ana ngkwaccie k'ran itti oIeccuo, akka wa'ret ul wung nti ilon ilokithak."



6

Anakka oIuccip purttat nti inthe, akwokkat ammakka u'rupa wothothilettat woIli wi'rethok. Akwonakat pari pung tuan thanung. Anaruk kwakanna'rat ngngin puccuk mono apokwonat ukul, akwocciekat k'ran itti oIeccuo.



7

Ana noma'ri men aIli oKkaiccer Akocoththoc othiat lon lonthoththomat itti ul appik iaik nomothok imaik inyaun nyongili ngoRoma wonu itti wakurro 'ran wen iatham woIli woRoma.



Aul appik oingkat na'ran wen athokurro 'ran wen.


8

Ittina oIuccip poingkathe acakuruk noka'ran koNaccir noththok poCelil akweo Peththelam noththok poIouthia noka'ran na Ili oThauth pokwontathe akka kwokat thiki thoThauth.



9

Kweot tentre akwothokurrot k'ran kung akin oMeriom iponomittanthok itti kwittanok ana ca'ri cen oMeriom pappoppethe.



10

Anakka okin thokat tentre aca'ri akkakat cokkal itti wakwonta ...



11

... ana oMeriom pokwonathe ukul wung wonothire wocura ana kwo'remethekathe ukul ikret akwiciekat cik iththuk nokuppu'runng ika a'rupu worua o'rko taco nan akka ka'ran kakkellanet kin ikaman ika ul



12

Ul iu're a'rupu worua w'rek wokat cik ipira thapat ana okin thokat akin angwot a'rupu worua ngko'ra iccik koka'ran koPeththelam.



13

Ana u'rupa wothothilettat woIli wummanthet kin ncik ana k'ran kothrik thoIli occat nakin ana okin thipathe n're kannan. Anaruk u'rupa wothothilettat woKapik wi'rekathekin itti, "Nokorronno ipo n're. Mponanet non lon



iloporot ana lakane ul appik."

14

"Inenni noka'ran ko Thauth pul pokwontanet non ipa'ret non, ook oMiccie Ili. Ana lon elli lakenenon ngok, onon thathiot ukul

wo'remethettat ikret

ana
wicettatheik
iththuk
nokuppu'rung
ika a'rupu

worua o'rkot
taco nan."



15

Ana accokkot, au'rupa wothothilettat woKapik woppot akkakat ntothi'rot akin omereket Kapik akin i're itti, ...



16

... "Thrik thaine Kapik korothi'rot cittan ana alon oka loporot nocapu noul ia kwongothe."



17

Anakka u'rupa wothothilettat woKapik woththet nakin, woku'rathe tothi'rot, ul iu're a'rupu worua wikkatheik aerettine itti, "Ton eo ci Peththelam aron othokatha lon elli ilokkattathe ila Ili wi'retheron lon len."



18

Ittina okin thoi ngkathe akin iat oMeriom ana oIuccip ana ukul awicatheik nokuppu'rung iththuk ika a'rupu worua o'rkot taco. Anakka okin thimmat akin opettat lon cik lokkul ilakin thi'rettanet, ana ul iocckothe appik woprttakatherit nolon ila ul iu're a'rupu worua wi'rethekin.




19

Anakka oIeccuo pokwontathe noka'ran koPeththelam noththok poIouthia nothuput thoIli



20

oIruthuc, ul w'rek wakkathe na cingki ummot nngin aanthan noka'ran koUrucelim, ul wen wonat k'ran itti Macuc wipittathe itti, ...



... "Ili woIouth waik kartha iokwontat? Onin thimmathe cothot na cingki ummot nngin ana onin thaat innatha'ranok nga'rama."



Aili oIruthuc akkarat ul ioccot k'ran itti Macuc thu'ran, akwipittat kin ca'ri ica cothot cummothe ncik. Kwothiathekin Peththelam akwi'rekat kin itti, "Ngkonon annokwantot ukul kicce amma onon thiothe annathi'rethin aneo cakuruk anotha'ranok nga'rama."



Anakka okin thoccikothe lon loIli oIruthuc akin oingkat. Anakka okin thokat cik ikathar akin eo akin immakat cothot aceo tokit ken icakin thaththimmathe na cingki ummot nngin, mono acoco'rat to'ra woka'ran na ukul wokat.



Anakka akin i'riko noppan, okin thimmathe ukul ana onnan oMeriom ana okinthekathe ungu ncik ana uet toma cik akin a'rakanthet ukul nga'rama. Okin thanyathe a'ruk wen akin ekat ukul a'rupu iakin thonanet ionu cekerek crik, thaap ana o'ren wokucuk ikakkunako ere amutha ana ngaak iakkunako ere amutha.



Akapik akkakanthet kin ithathantako aki'rekat kin lon lonthoththomat itti okin thakorronno opakkinthet oIruthuc, akin okkat ikathar koka akin opakot noththok pen.



Anakka Macuc meot, au'rupa wothothilettat woIli akkakanthet oIuccip ithathantako ai'rekathok itti, "Uroki aneko ukul okin onnan aura aeo noththok poMuccir. Ikkoik than puccuk ani'rekathung ca'ri icao nan akka Ili

oIruthuc paik pakwantot ukul itti kwakkwot."


AIuccip urokat ngko'ra akwonekat ukul ana onnan akwoingkat noththok poMuccir, nakin thikkot cik mono aIruthuc iat. Ana lon lokathe icat ammakka Ili wothiothe pul pothernte lon loKapik ngngin akka pi'ret itti,



"Mpakkarot ukul win noththok poMuccir."


27

Manakka oIruthuc paththiotitti Macuc mammikkothok, akuakat ka kannan akwi'rekat lon lonthomat itti nyukul inyomura inyarran nyonu itti nyangutta appik nnoka'ran koPeththelam ana manna na'ran iaik iccik ken, ...




28

... ummo nciki nonyukul inyonu luput le'ra ana manna inyurunokwonta noma'ri ima kwocikotho lon noul woMacuc nan.



29


Manakka oIruthuc piot, au'rupa wothothilettat woIli akkakanthet oIuccip ithathantako akkwaik noththok poMuccir ai'rekathok itti, "Uroki aneko ukul ana onnan apakkot ngngin noththok poIccereil,



akka okin ithokat cik thakkwot ukul thillet."

30


Anaruk oIuccip pockikathe itti Arakkalaoc paik nongili ngoththan oIruthuc



noththok poIou thia, kwipathe n're eo noththok pen.

31

Kapik ki'rekathok lon lonthoththomat ithathantako ana kwoingkathe noththok poCelil, ana kwakkakathe ana kwaththikkat cik



noka'ran koNaccir alokakat ammakka ul wothernte lon loKapik wi'ret itti, "Kwakkarako itti pul poNaccir."

32

Akka Kapik kongothe ul ncik nocapu appik mono akekat kin ukul wung iulukku, othakka itti amma okkwi okkwi ipoccoke the lon lokkul wen nocikit akwokorronno io anaruk akwikkoik thupuththuput.

36

60

33

Roma 3:23

Akka oron appik thokkothe lon lokithak ana oron thokakathe ciththan nothrik thoKapik

Roma 6:23

Akka lon ilokithak lana thio anaruk thethet nuthuk thoKapik thana thikkoik thothupuththuput iaMiccie oIeccuo Ili wonnon.

Ipranin 9:27

Ana ammakka pul iponyi ponu itti pio ca'ri culukku apanto'rikot thakkmako thung

Apuccuc 2:8,9

Akka onon tho'rettathe nti ithoporot nthocokot lon nocikit. Ana lon len lakannoka nanon, Kapik kethet non nuthuk, ana okorronno oka nngre othakka itti akka apilin manna appipot ka thoura.

34

Roma 10:9,10

Ana ittina amma oung akki' ret nthon thang itti "OIeccuo ook Ili," ana occokot lon nocikit itti Kapik kurokierok nti ithio, ngkwa' rettat. Akka ngkwaccokot lon loKapik ncikit cang ana Kapik kothikkierung poporot ana ngkweret lon len nthon thang ana ngkwa' rettat.

Iuanna 3:16,17

Akka Kapik kongothe ul ncik nocapu appik mono akekat kin ukul wung iulukku, othakka itti amma okkwi ipoccoke the lon lokkul wen nocikit akwokorronno io anaruk akwikkoik thupuththuput. Akka Kapik kakannothi ot ukul wung nocapu ncik appik othakka itti athakkma ul nocapu anaruk itti atho' ret kin.

35

1 Iuanna 5:11-13

Ana lon elli ila Kapik keret laik itti, Kapik kethet ton thikkoik thothupuththuput, ana thikkoik enthi thaik ikkul wung. Okkwi ipoccoke the lon lokkul woKapik nocikit kwonu thikkoik thothupuththuput ana okkwi ipakannocokot lon lokkul woKapik nocikit kwella thikkoik thothupuththuput. Mpaik pakurrinenon lon elli onon ithoccoke the lon nomikit lok'ran kokkul woKapik othakka itti annina itti onon thonu thikkoik thothupuththuput.

36

Maththa 1-2; Lukka 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter, Sarah S.

Lumon NT (Imd) © (Active), Wycliffe Bible
Translators, Inc. All rights reserved

<https://www.bible.com/en-GB/bible/2493/MAT.1.LUMUN>

©2026 Bible for Children, Inc.
www.M1914.org www.bibleforchildren.org

37